

本堂詞  
目錄

寶鼎現

大酺首三

水龍吟首二

摸魚兒

念奴嬌首四

燭影搖紅

千秋歲

鵲橋仙

惜分飛

真珠簾

沁園春首八

瑞鶴仙

洞仙歌首二

滿江紅首三

水調歌頭首二

踏莎行

一翦梅

西江月首三

小重山

霜天曉角首二

減字木蘭花首二

搗練子

念奴嬌

慶春澤首二

真珠簾

真珠簾首三

玉漏遲

水龍吟首三

洞仙歌

柳梢青首二

卜算子首三

如夢令首二

鷓鴣天

摸魚兒

水龍吟

寶鼎現首二

金盞子

沁園春首六

瑞鶴仙

賀新郎

念奴嬌首三

滿江紅

聲聲慢

江城子首五

漁家傲首二

賣花聲

蝶戀花

浪淘沙首四

糖多令首三

戀繡衾

卜算子首二

綺羅香首三

燭影搖紅首三

祝英臺近

青玉案首二

踏莎行

鵲橋仙

虞美人

浪淘沙首二

行香子

西江月首二

南鄉子

國家圖書館, NATIONAL CENTRAL LIBRARY, TAIWAN, R.O.C

卜算子

上

本堂詩目録


寶鼎現

喜遷鶯

水龍吟闕

沁園春

西江月



國家圖書館, NATIONAL CENTRAL LIBRARY, TAIWAN, R.O.C

本堂詞

寶鼎現

壽京尹曾留遠  
侍郎淵子

玉宸凝眷要得培口神皋根本天賦與經綸好手門  
外紅塵談笑遣任草色遍空庭交翠月往風來自便  
但紙帳時供小憩長理鐙窗公案五行俱下流光  
電筆如神毫髮都見是則是霜嚴雪勁到底春風生  
意滿喚得應雨和晴恰好旗舞杭艘百萬更社鼠城  
狐掃影雁鷺驚人避箭最是滿腹精神擔負處渾  
身皆膽又誰知條理元在規模裏面天下事又何難  
辦待副蒼生願渺宇宙多少關心留取功名久遠

宋

陳著



真珠簾壽孫古巖

綸巾古貌塵寰表風流處別是英雄才調曾次著乾  
坤觸景皆詩料金碧樓臺新築就傍翠麓旋添花草  
仙棹更逍遙來訪十洲三島 遮眼富貴人多算如  
公有子人閒應少看膝下功名共月林清皎自注西  
倅廳堂  
象簡緋袍親侍策且勝賞先春獨笑自注云  
二亭名都道館  
中書就養雲翹偕老

大酺壽江東運使陸雲西集撰

把雪冰心鈞韶手飛上青雲時早紅塵難染著十年  
前曾坐鳳池黿島暈錦鏘環重金壓帶相去能爭多  
少從容何心問到如今都領繡春花草算耐處光陰

淡中滋味世人那曉 箋天新有橐籥歸去盤礴山  
陰道便整頓隨琴霜鶴帶石秋蘭約松喬倚風清嘯  
爭奈愈音杳明月棹又還停了但珍重經綸料時來  
須做休管急流人笑功名儘遲儘好

又壽沿江大制使觀文馬裕齋同知

問大江東長淮上緣分如何修到輕裘還熟局第三  
番又是五年春了菜飯工夫露香心事惟靠天公分  
曉林泉琴書夢算飛箋覓去不知多少奈雅意難酬  
又還留住口銜新詔 都無他嗜好玉麟靜公事供  
談笑滿眼是風花飄忽惟有長松雪霜裏插天蒼老  
休憶家山好安樂處便成蓬島正春雨秧疇飽邊城

如畫處處綠楊芳草青溪不妨寄傲

又壽王脩齋樞密

自有乾坤扶人極宗主須還人物今爲何時節滿紅  
塵富貴絮花飄忽抵障狂瀾提攜正印一柱擎天突  
兀平生分明處是從容處口不差毫髮把朝市山林  
一般看了無邊風月 深衣清到骨紫樞府誰信曾  
簪笏吹脫粟黃雞白口補菊栽梅碧溪遠竹籬茅屋  
無限輕描貌都說道詔書催發想回首招黃鵠微微  
自笑惟有赤松衣鉢相陪對門石佛

沁園春

單景山雪中以學佛自誇目次韻戲却之

瀟灑書齋香清縷直鐙冷暈圓忽驚宵鳴瓦霰如篩

下裁冰翦玉片似花鮮深怕妨梅也愁折竹纔作還  
休亦偶然更深也漫題窗記瑞詩思繚繚 聞君禮  
佛日千浪說道繁華不值錢想駕衾底下都將命乞  
蒲龕裏畔未必心安兜率天宮清涼境界總是由心  
不是綠雪山上自有人坐了不到君邊

又丁未春補遊西湖

出禁城西湖光是別喚醒兩腫有畫橋幾處通人南  
北綠堤千里分水西東問柳旗亭簇山梵所空翠烟  
飛半淡濃偏奇處看笙歌舫泛綺羅宮 從容莫  
問城中是則是繁華九市通奈一番雨過沾衣泥黑  
三竿日上撲面塵紅那壁喧囂這邊清麗咫尺中間

愛不同休歸去便艤舟荷外夢月眠風

又壽吳竹溪

瀟灑綸巾風流野服紅塵外身向南窗聽雨瀾翻墨  
客北亭戀月筆走詩神倚竹聽琴逢花倒榼更得放  
晴游冠春清閑好算東洲人物難得如君 華堂瑞  
氣似雲西風到簾帷纔一分喜星橋鵲語佳傳依舊  
緱山鶴舞仙樣翻新簫玉香中燭花影裏聽取捧觴  
低祝人千千歲看功名事業都在兒孫

又壽六二叔父名德光

月旦評中有如公者更誰與儔看紛紛仁意春風和  
氣堂堂義事砥柱中流已重物輕身窮道泰卻佔人

閒第一籌回頭笑彼紛紛名利過影浮漚 夷猶庭  
戶清幽算此境神仙別一洲但燒香挂畫呼童掃地  
對山揖水共客登樓付與兒孫只將方寸此外無求  
百不憂宜多壽自今開八表到八千秋

又壽竹窗  
又壽竹窗

小枕屏兒面兒素淨吾自愛之向春晴欲曉低斜半  
展夜寒如水屈曲深圍消得題詩不須作畫瀟灑風  
流未易涯人間世但此身安處是十分奇 笑他富  
貴家兒這長物何爲著意不便綺羅六扇何如玉潔  
丹青萬狀都是錢癡假託伊來遮闌便了免得驚風  
侵夢時何須泥要物常隨我不物之隨

又壽應華正參政名

運在東南温厚氣鍾吾輩正翁羨繁窗學問迂齋正  
印玉堂詞翰玫瑰流風制勝樞庭參謀政府一片平  
心扶大中黃扉近卻翻然東顧歸宴方蓬 潘輿日  
奉從容全勝口貂蟬趨漢宮如名山鎮靜出雲相望  
大川渟蓄有水皆宗吾道胚暉諸賢命脈陰受春風  
和氣濃宜多壽與瑤圖同慶綠竹歌公

又壽竹窗兄

吾竹窗兄吾能評者只將竹看是丹山佳氣胚暉茂  
直嵩溪潤脈滋養清堅雪虐霜陵風號餐雨惡撼頓侵  
欺今幾年元無損這虛心實節卻自依然 人間輸

此君賢可曾向紅塵裏著鞭稱翩翩侶鳳舞依翡翠  
昂昂雛鶴立倚琅玕動處非情靜中自韻全得生來  
瀟灑天須長在在月窗窗北石澗東邊

又壽陳菊坡樞密名卓

吾菊坡兄細觀花口元來一般是鄮山佳氣胚暉長  
茂鄞江潤脈滋養清妍移傍雲霄濃沾雨露曾亞百  
花頭上班誰知道待芬香透了收斂東邊 笑他紅  
紫紛然算眼底何曾長久看這秋芳自韻不爭春豔  
霜根難老偏耐風寒占得清名尊為壽客晚節誰能  
如此全千千歲把黃金正色照映人間

水龍吟

壽江閩姚橘洲學士名希得



玉麟堂上神仙算來便合歸廊廟天教且住堂堂表  
帶舒舒旗纛一笑談中徧江淮上太平花草待金甌  
揭了黃扉坐處祇依此規模好 恰似紅流節後慶  
生申佳期還到乾坤開泰君臣相遇機緣恁巧誰信  
蒼生舉頭凝望鋒車催召向蕪湖更有無言桃李願春風草

又壽婺州守趙巖  
起右撰孟傳

玉螯頭上蓬萊十分好處饒松壑無邊風月陰陰喬木  
重重華萼秋水門庭淡交簪履隨宜斟酌向西風回首  
雙旌縹緲從天下招琴鶴 是則陽春有脚被金華洞  
天留著相傳好語新來初見分明鼓角田里相安袴  
襦歌了卻來持橐稱年年橘綠橙黃時節與松喬約

瑞鶴仙壽趙德脩檢  
必普

雲無心出岫游戲閒聲名掀揭宇宙紅塵事看透任  
高官惟有鶴隨詩瘦溪山如繡小軒亭寫新話舊想  
時時夢到家林但未有歸時候 知否分明世界多  
少經綸莫輕回首平坐抱負金鑾殿有新奏便相扶  
君相從頭做去他又誰能出手看明年此日傳宣賜  
醪醑酒

摸魚兒  
隨湖南安撫趙德脩自長  
沙回至澧港值其生日

碧油幢一開藩後便思量早歸去工夫著緊新城好  
風月萬家笙鼓遊宴處要管領春光補種花無數何  
須更駐只畫了瀟湘扁舟徑發揮手謝南楚 江帆

卸撐入清溪綠樹家山三兩程路安排小馬追隨  
鶴句引詩朋酒侶瀟灑處是則是初心只恐難留駐  
忙須著句把泉石烟霞平章一遍回首鳳綸舞

洞仙歌

次韻花蕊夫人

冰肌玉骨自清涼無汗雲影鬢鬢翠山遠顛金蓮緩  
步手託珠簾風微透扇底荷花香滿歸簷雙飛燕  
流盼銷凝微帶羞紅嬌上面又還黃昏近一片閒情  
天涯去雲也遮闌不斷回首處沈思夢時曾對十二  
屏山怕拈秦阮

又

次韻蘇子瞻

冰肌玉骨自清涼無汗午夢醒來盼嬌滿扇輕拈又

放淺炷蘭薰微笑處炊著烟絲散亂涼亭還獨步  
曾是憑闌攜手心盟指雲漢碧雲斜陽外信有如今  
音書杳寸腸千百轉漫竝立無言對荷花看轉眼秋  
風翠移紅換

念奴嬌

詠壯

洛陽地脈是誰人縮到海涯天角綠樹成陰芳霧底  
得見當年臺閣園杏貴客海棠姬侍擁入青油幕人  
閒那有風流天上標格如困如懶如羞夜來應夢  
入西瑤仙宅為你閑風輕過去不教妨口口卻嬌不  
能行笑還無語惟把香狼籍花花聽取年年無負春  
約

又獻再一况成  
大任

輕衫短袴幾年來游遍江南江北擾擾浮生爭富貴  
金碧樓臺滿目廈屋千間夜牀八尺此理誰能燭翩  
然歸去家山是事都足笑指舊隱道遙分獲鶴地  
雲頂栽花竹乘興生涯隨處好卜市心口新築山色  
窺簾杏陰依戶門外從塵俗朱顏雪鬢清閒十二分  
福

又螢照夜流

暑天向晚最相宜一簇涼生新竹瀟灑軒窗還此景  
此景真非凡俗獲鶴相隨烟霞自在與我交情熟人  
生如夢箇中堪把心卜休嘆烏兔如飛功名富貴

有分終須足不管他非非是是不管他榮和辱淨几  
明窗殘編斷簡且恁閒勞碌流螢過處文章如在吾  
目

又壽姚  
橋州

緊頭上立問如何猶向清溪盤礴應爲春防須熟局  
且借輕裘彈壓野聚晴炊烟波暖唱盡出江南北從  
容歸袞三年功滿棊枰真个福比南山誰無富貴  
無此團團樂錦瑟瑤琴清對處青紫諸郎參錯楚楚  
孫枝温温堦玉簾幙歡聲拍樞衣小子壽公也趁龜  
鶴

滿江紅  
丁未九月  
賞月

落枕鴻聲龍山夢暮然驚覺還堪喜木樨香底鶻聲  
翻曉弄雨未成霜意懶望寒先怯山容老最難逢無  
一點西風驚烏帽竹葉酒傾杯小橙齏鱸銀盆好  
稱良辰歡宴及今年少須信從來黃菊壽未應便放  
青霜惱但有花日日足重陽金樽倒

又壽慶元西  
倅孫元寶

越水稽山清明氣鍾為人傑影纓蚤中學問來從頭  
施設不受塵來霜壁立常生意處春流活與世間別  
是一規模師夔契仙島上分風月蒼梧下懷冰雪  
更雙親猶是朱顏時節勲業要從青鬢上乾坤如許  
丹山折看鳳銜芝詔下層霄朝金闕

又壽小  
叔母

修茂堂深芳塵滿沈烟一朵簾半捲好風催曉晴光  
才破新潤頰教萱草曳輕寒未放醅醖過稱魚軒容  
與壽如山羣仙賀琴幃底聲調和庭階下兒孫大  
喜新來啣嗑又還添箇總是人生如意處休將時事  
關眉鎖趁鶯花時節綺羅筵年年做

燭影搖紅壽元寶  
通判母

風月堂中畫屏不動香猊吐珠翹環擁蕊宮仙雙鬢  
青如許相對童顏壽侶看庭前緋袍拜舞十洲三島  
柳探春時梅欺雪處甲子花周自從今日重新數  
碧瑤杯重翠濤深笑領飛瓊語此去華筵喜聚聽傳

宣雲間紫府萬分如意鳳詔便蕃香軒容與

水調歌頭

壽頤齋兄  
安世

風骨最魁岸宇宙更寬平口人皆道天上南極壽星  
精隨意後園花木滿眼家山松竹儘可適平生門外  
底須問好佔菊軒清聽鄉評義方訓莫如兄元方  
既玉就口更要季方成不使塵勞頓挫他日功名入  
手當不負椿庭不見竇諫議教子有餘榮

又

壽陳菊坡  
樞密卓

身到紫樞府一蹴鳳池間何妨到頭富貴卻自戀家  
山多少名韉利鎖塵滿霜髯雪鬢役役不知還桃李  
競春事菊坡自清閒綠楊邊門徑小似僧關吟情

飲興相將二十載優閒無限功名事業分付兒孫縱  
靛青鏡儘朱顏一語勸公酒天下達尊三

千秋歲

壽從母  
馮

燕前鶯底一日春猶在香霧曉祥雲霽烟交槐影重  
風約花塵卸當此際桃源不是人間世彩袖環庭  
砌華裾紛珂佩歡聲洽童顏醉金丹功已到綠髮生  
須再簫鼓沸飛瓊來祝千千歲

踏莎行

壽季父  
吉甫

杏苑長春椿姿耐老畫堂琴幌融融調生涯分付甯  
馨兒西園手種開花草露浴明河風浮素顯桂花  
著蕊今年早佳占端的在孫枝明年壽席啜嘔笑

鵲橋仙次韻舅氏三

雲南鍾秀間生人望底事未成美況當知大器大成  
時更莫歎賢關難上 前程分定算來無妄命達時  
終不放且須寄語甲科人斷不下一籌中榜

一翦梅壽吳景

記得兒時識景年翁忽光陰二十餘年梅邊聚首又  
三年結得因緣五百來年 把酒君前欲問年笑指  
松椿當是同年願從今後八千年長似今年長似今  
年

惜分飛吳氏館寄

築壘愁城書一紙雁雁兒將不起好去西風裏到家

分付眉顰底 落日闌干羞獨倚十里江山萬里容  
易成憔悴惟歸來是歸來是

西江月壽季父吉

寶瑟屏金深處斑衣簫玉香中人生二美古難逢杏  
苑今朝喜共 一霎豆花新雨半簾梧葉清風年年  
此景綠樽同笑指南山稱頌

又壽吳

簫玉和鳴雲裏綵衣娛舞風前好從龜鶴問長年看  
取蟠桃結遍 事業都隨分定兒孫也靠心傳隱耕  
窗下腹便便相去神仙不遠

又答族姪

當此朱炎火日恨無玉骨冰肌問來思欲動涼颼寶  
簃荷君相遺如鐵又添顏甲報瓊難續聲詩願言  
長在奉揚時似恁團圍到底

小重山

次韻定海趙簿詠梅

松是交朋竹是鄰橫枝臨水瘦月黃昏衝寒香入嶺  
頭雲清到底人共一般清好句更無痕門前無俗  
客不須局暫將騷致答花神從此去題動玉堂春

柳梢青

晚涼到李父處觀荷花心已斂遂賦此

淡淡新妝盈盈嬌態誰道荷花料想香肌不禁畏日  
翠蓋兒遮我來勝賞高歌故斂著芳心爲何莫是  
伊花恨余來晚欲媚晨霞

又壽吳竹溪內

縹緲瑤城客情春小本分寒輕霞佩雲裾步聯西母  
笑倚飛瓊那堪四美都并喜氣與祥雲共生自在  
風流融融簫玉楚楚蘭馨

霜天曉角

丙寅十一月七日夜江行紀今春風雪中送雲西先生陸景西處傷感不已

江寒雁咽短棹還催發曾是玉堂仙伯相別處滿蓬  
雪此別那堪說遡風空淚血惟有梅花依舊香不  
斷夜來月

又

丙寅十一月十一日行止阮橋宿風雨衣身俱溼驛壁有題此曲前一段頗與今日情味

同因錄於此

一聲阿鵲人在雲西角信有黃昏風雨孤燈酒不禁

酌 錯錯誰誤考明知明做印願寄香夢歸去教看  
了細標嚼

卜算子 次韻謝此三

一自夢盧頭應學乘裴蹇元是都門向上人大用何  
嫌晚 三歲事非過三捷功非遠管取微生共此榮  
聯步雲程穩

又 壽作

雨過一分寒未放晴光透綺席春風自十分暢飲長  
春酒 花氣漸薰薰簾佳致歸詩手的是詩中陸地仙  
左揖浮邱袖

又 嘲二十

風急雁聲高露冷蛩吟切枕賸衾寒不耐煩長是傷  
離別 望得眼兒穿已得心頭熱且喜重陽節又來  
黃菊花先發

減字木蘭花

嘉熙元年七月如浦城二十三日到永康界趙店宿為喜雨作

浮萍蹤迹又作南東口口客不奈秋陽一似朱明赫  
赫光 驚雷叱雨料是阿香憐逆旅好个涼天稱我  
前程步步便

又 丁未泊

夜帆初上準擬今朝過越上及到今朝卻被西風挫  
一潮 丈亭一處要得縱觀贏得佳行止皆天誰道  
人生客路難



如夢令

西湖道中

家在明山南，住身在明山西。路回首，碧雲端，自笑不  
如飛鷺。飛去飛去，飛入明山深處。

又舟泊

咸池

晚泊江灣，平處楚楚蘋花自舞。風翦雨絲輕，江上潮  
生船去看。看取看取，溼艚不驚鷗鷺。

搗練子

起曉

花影亂，曉窗明。鶯弄春笙柳外聲。和夢捲簾飛絮入，  
牡丹無語正盈盈。

鷓鴣天

和黃虛谷石榴韻

看了山中薜荔衣，手將安石種分移。花鮮絢日猩紅

妒葉密，乘風翠羽飛。新結子，綠垂枝。老來眼底轉

多宜，齒牙不入甜時樣。醋醋何妨，薦酒卮。

念奴嬌

代人壽外舅

翠雲弄曉，芰荷香微透。涼颺簾箔彩，袂蹁躑歡舞處。  
句引銜桃雙鶴，驟馬風前奔鯨浪。裏獨有壺天樂。如  
何不醉，放教杯量寬著。消得壽八千春，百分纔一  
更童顏如倨。聽取飛瓊含笑道，堪學孩兒書額。為令  
驂鳧，瑤仙跨鳳，喜聚家人，釀心香，遙上也。隨風過，逢  
弱。

摸魚兒

壽虛谷

竹洲西有人如玉，一作玉手標南柯一覺歸。早青山

綠水亭軒舊猶有未荒花草誰信道又自愛湖光一作還自要向買屋三間小都無長好但鳳躍雄文蠅書  
 小楷轉老轉奇妙 人間世如許年高是少浮生惟  
 有閒好回頭翻訝磻溪叟輕把一絲拋了涼新到記  
 當日天香露浴如今老瑤卮壽曉稱酒到眉間醺醺  
 醉也兒女滿前笑

慶春澤

丙申鄉人醴賞鳳花又名高陽臺

翔鳳闌干曉鶻院宇相逢似夢才醒誰道無情飛紅  
 舞翠歡迎青春綠髮花前飲醉自歌記那時曾到如  
 今心事淒涼怕說芳盟 追思良嶽歸來後穩依山  
 護得雨翻風翎燕燕鶯鶯從他巧舌饒聲翩翩一種

天然豔笑向人不與春爭羨花花好歲寒交有卧雲  
 亭

又

春困時光風流昨夢逢花便自醒醒回首宣和宮鶯  
 掖燕相迎歸來只戀春山好到上林枉是親曾又誰  
 知自有蟠松相與論盟 闌干可是妨飛去怕驚塵  
 浣卻翠羽紅翎舞態亭亭渾疑暗折韶聲快人眼處  
 還看破道鳳來難與真爭醉扶歸但見曉鶻怨夕陽  
 亭

水龍吟

秋壑賈

蓬萊風月神仙卻來平地為霖雨乾坤清了如今多

本堂詞

十四

是退行一步寸寸歸心輕軒娛侍竹溪花圃奈君王  
眷眷蒼生戀戀那肯放錢塘渡天也知公此意問  
昇平要抽身去把些夏潦和些秋哨輕輕綴住一轉  
移來元勳力量他誰堪付待汾陽子卻中書別又商  
量出處

真珠簾代壽秋壑

魚軒富貴人閒少那堪更有子雍容廊廟袞繡當班  
衣轉色難心小手把乾坤重整頓畧口口微生一笑  
分曉是慈闈心事如今著到簾幙早是寒生又橙  
黃近也菊花香了已勸九霞觴春意濃於酒玉帶金  
魚歡舞處更捷騎紅塵峽口知否這花添錦上年年

重九

寶鼎現壽樵

著林仙叟夢境炊得纔香還覺回首渺觚稜何處雲  
與商量浮計小矮矮屋半弓來閒地也著三花兩草  
沸眼底鞭風笠雨不滿茶邊一笑壽骨奇聳神清  
峭散人裝遊戲塵表簾晝永長留雅伴吟唾寬飛瀟  
灑料最好是瑟和琴同調眉裏相看耐老更綠草孫  
枝可意譜得家傳較早爭指畫額兒兒歡祝處荷  
薰吹曉記蘭湯初試當日風光又到拚釀飲任金樽  
倒醉把義娥傲算萬事都是空花雪柏霜松鎮好

又四時懷古春詞

問今何日舊也曾尾東風鷓鴣回首念家山桃李歸  
去來兮聞早賦夢境裏儘何妨疏散時趁鶯晴信步  
是則是清閒自好一點心猶懷古 記得平世癡兒  
女自鐙宵遊了三五還次第湖邊去也寒食清明炊  
未住是處處是丹青圖畫隨意狂歌醉舞奈鶯被烟  
花浪手一擲殘陽孤注 須信樂極悲來誰道是曾  
歌瓊樹夕陽亭遺流翻得江濤似許忍望著口天津  
路最是鶻嗚苦算世事消把春看還有落花飛絮

真珠簾

壽元春兄  
八十策

如梅在壑清標格襟懷好又是融融春拍鴛夢早驚  
飛慣一窗岑寂譜曲裁詩心自在任雪月風花需索

奇特問生涯卻道浮雲如得 回首門外黃塵算何  
如穩佔溪光山色八百歲為期恰十分纔一第自高  
歌兒自舞簇小小榴花筵席真率鎮無妨歡醉年年  
今日

又

四時懷  
古夏詞

青雲玉樹南薰扇京華地別是瀟湘圖展茉莉芙蓉  
香拍滿笙簫院雪藕盈盈歌裏處早已帶秋聲悽怨  
堪歎把時光輕靠冰山一片 從古幻境如輪問銅  
駝應是多番曾口見誰把笛吹涼總是腔新換水枕  
風船空入夢但極目波流雲遠銷黯更華林蟬咽繫  
人腸斷

又壽內  
六十

間居是念隨雲散  
琴簾底卻自平生心滿  
百二十年  
期笑到今纔半  
一味齋鹽清得瘦  
婉婉似梅花香  
晚相伴老霜  
松甯耐溪山寒慣  
探借十日前春小杯  
盤也做壽筵  
模口繞膝舞斑衣  
有酒從他勸  
但任真來  
渾是處夢不到  
笙歌瑤燕雙健  
任傍人播盡風流  
眉案

金盞子

四時懷  
古秋詞

眼底時光奈老來  
如何奈得秋何  
黃葉最多情  
天分付涼意  
一聲先做是處著  
露莎蛩也酸吟  
相和新雁想飛到  
故都徘徊未忍輕過  
往事是堪唾  
紅棗信

峰折儘任他湖山桂香自好  
笙歌舫沈沈醉也誰拖  
可憐瘦月淒涼把興亡看破  
如今口但留下滿城口  
西風悲些

玉漏遲

四時懷  
古冬詞

故都冬亦好  
風光可是人間曾有  
問雪樓臺肉陣不  
教寒透妙手攬春弄巧  
喚得應千花如繡  
鐙市酒筵歌鎮似  
元宵時候見說是事  
都新但破凍潮聲去  
來依舊老夢無情  
不到六橋風柳回首  
孤山好景倩人問  
梅花安否應自瘦  
霜雪可能儂慙

沁園春

次韻第  
雪見寄

天蓋西傾地軸東翻  
兩年以來那關中形勝已歸勃

勃江南人馬都是回回咄咄書空樓樓問路歲晚山  
空風雪催如何得與渾家踏遍雪頂巖隈 誰知有  
客敲推把世變心煩都說開道嚴霜不殺不成葭葦  
返寒慣耐方是松梅萬事過前一場夢裏分付茅柴  
三兩杯猶癡望有太平時節遊戲春臺

又

旗蓋運遷衣冠事乖豈非命來自黃梁枕覺分明看  
破翠蓬舟近及早抽回誰料山深也同鼎沸步步危  
機忙裏催愁無奈過青山萬疊碧水千隈 此愁無  
計能推算何日天教眉鎖開記六橋花舫晴邊訪柳  
孤山草酌雪後評梅回首西湖傷心前事覆水如何

收上杯東風好問如今吹入誰處樓臺

又次韻劉改之

人生功名在醉夢中早須掉頭自南宮一券塵泥偶  
脫前程雙轂日月如流蕙帳真盟菜羹餘味江上歸  
舟誰得留誰知道有邵平瓜圃何日封侯 天天又  
不人由奈危世山林也有憂況青岡不助晉家風鶴  
黑雲直捲吳分星牛分寸殘生萬千魔障他事如今  
都罷休關心處是離離禾黍故國宗周

又次韻姪演自遣

無價韶華一笑相酬青錢似苔奈東風輕劣催紅雨  
去西園次第放綠陰回老後時光眉閒心事恰似怕

酸人著梅須知道有誰能百歲日日開懷從教世  
變輪推也莫問人間春去來看淵明歸了有形誰役  
少陵醉裏無悶堪排貧賤何妨風流自別不是沈沈  
濁世杯層霄上與大鵬盤礴下視浮埃

又和元春  
兄自壽

人生幾何如何不自珍重此生向蠹殘字上甘心拋  
擲蝸火爭處著意了甯箭過時光劍炊世界誰帶經  
鋤誰筆耕分明似滿一鍋湯沸無處清淨 翰兄鍊  
得閒成無憂無辱無懼驚但菜羹糲飯不求他味芒  
鞵竹杖足暢幽清八十年來萬千看破胃次春風秋  
月明梅花帳稱困眠醒起無打門聲

又示諸  
兒

信書成癡捱到如今無生可謀奈渾家夢飯穀難虛  
貸長年斷肉菜亦慳搜風雨瀟瀟江山落落死又還  
生春復秋八十歲是這般多活堪吊堪羞 休休盍  
自回頭要鐵漢須從窮處求那袁安閉戶恬然僵卧  
少陵任婦長是貧愁一等清風千年佳話蟻蚋看他  
金谷樓是是是笑出門天闊一片雲浮

水龍吟和牡丹  
有感

好花天也多慳放遲留做殘春主豐肌弱骨晴嬌無  
奈新妝相妒翠幙高張玉欄低護怕驚風雨記年時  
多少詩朋酒伴逢花醉簪花舞 那料無情光景到

如今水流雲去殘枝賸葉依依如夢不堪相覩心事  
誰知杜鵑饒舌自能分訴日西斜煙草萋萋望斷洛  
陽何處

又

百花开遍園林又春歸也誰爲主深黃淺紫嬌紅膩  
白他誰能妒似不勝情醉歸花月夢回雲雨又豐肌  
恰被東風搖動盈盈底霓裳舞 世事紛紛無據與  
楊花飛來飛去當年斗大知他多少蜂窺蝶覩金落  
春移玉華人散此愁難訴漫尋思承詔沈香亭上倚  
闌干處

又  
次韻黃蘧軒  
虛谷詠鳳花

杜鵑唬正忙時半風半雨春慳霽醺未過櫻甜初  
熟梅酸微試一種紅芳九苞真色舞窗翻砌自仙樊  
去後無人題鳳闌干外成孤媚 誰信陽春妙手錦  
雲機新番裁製東君冷看如何描模天然豔美渾欲  
乘風又如羞日做雙飛體竝驂鸞稱得花前弄玉與  
吟簫壻

瑞鶴仙  
壽王  
之朝

對南山翠峭幾百年銀青門第轉好梅花弄春小向  
重簾煖處華筵開早班衣簇繞舞香雲哄堂頌禱穩  
生涯都是心田自有老天堪靠 應道口口口口樂  
事難逢可輕過了鱸肥蟹健桑落酒釀來妙稱瑤卮



爭勸襟懷寬放一點囂塵不到但從今家慶年年醉  
鄉裏笑

洞仙歌

壽盧竹溪

清溪帶竹竹外山光抱新築渾如圖畫了稱閒心管  
領昨夜天風吹送端的琅音恰到誰知青雲上鸞  
鳳翱翔曾把功名試多少到如今夢覺佩著飛霞渾  
家問玉芝瑤草試冷看重門外如何怎得似壺中羽  
衣塵表

賀新郎

次韻戴芳

北馬飛江過畫圖中花城柳郭萬摧千挫羌管直驚  
猿鶴夢愁得千山翠鎖有多少風餐雨卧回首西湖

空濺淚醉沈沈輕擲金甌破平地浪如何殫君家  
志氣從來大舞藍袍牽絲幙外官有饒他箇誰料腥  
埃妨闊步孤瘦依然故我待天有情時須可且占雪  
溪清絕處看精神全是梅花做嫌煖飽耐寒餓

念奴嬌

留范景山處有感

曉村深處記當年曾經被東風吹別重得相看春雨  
屋心事從頭細說深院鐙寒流蘇帳煖曾夢梅花月  
如今何在鎖凝分付曉鳩亭館飛入腥烟殘香惟  
有數朵醪醖雪舊燕尋巢來又去也覺雙飛聲咽泛  
梗生涯空花世界且做杯中活可人蘭玉風光還有  
舊時節

念奴嬌次韻第陸

百年光景算山中多占人間分數一片清風梅是主  
彈壓麤花俗樹小小魚池深深鶯谷曲曲香雲路堪  
詩堪畫是天分付閒處聞要跨鶴西遊家林自好  
且何妨留駐趁取醱醖新煮酒燒筍煎花爲具萬事  
皆空千金一刻底用閑愁苦無情杜宇笑他催我歸  
去

又端午酒邊

雨簾高捲見榴花應怪風流人老是則年年佳節在  
無奈閑心悄悄巧扇風香輕羅雪溼夢裏曾看了如  
今溪上歡盟分付年少偏是眉好相宜呼兒扶著

把菖蒲迎笑說道浮生饒百歲能有時光多少幸自  
清貧何妨樂趣譜入瑤琴調杯杯酒滿這般滋味誰  
曉

綺羅香詠柳外聞三章

障暑稠陰梳涼細縷□□□□□露腋玲瓏多少  
開中幽趣斷又續可是無情緒相送短長亭路記春  
風曾著鶯嗁便嬌那得裊如許知音人自暗省凝  
睇青雲影裏黃昏猶竝一部笙簧消得翠腰供舞堪  
對景翻入新妝鬢影低襯教眉嫵試回頭舊日章臺  
怕聽聲咽處

裊入風腔清含露脈聲在絲絲煙碧破暑吹涼天付

弄嬌雙腋似戀戀舞翠纖腰斷還續忍相離析最歡  
時微雨初晴夕陽猶溼淡雲隔新來多少愴感心  
怕無情過馬攀條驚著夢裏妝臺休說聽來曾昨凝  
此漫番節笙音暗自將玉闌輕拍問誰能喚起陶潛  
醉翁同賦卻

霽曉樓臺斜陽渡口涼腋新聲初到占斷清陰隨意  
自成宮調看取次顫引薰風想無奈露餐清飽有時  
如柔鬟綦絲忽如笙咽轉嬌妙誰知憂怨極處輕  
把宮妝蛻了飛吟枝杪耳畔如今悽感又添多少愁  
緒正縈繞妝臺怎更禁被他相惱送殘音立盡黃昏  
月明深院悄

滿江紅

次呂居仁韻

夢裏京華忽聽得庭花遺曲到醒來愁滿東風口口  
山屋春事已非空結綺曉班無隨羣玉想天涯淪落  
杜秋娘攢眉綠誰能顧荒蕪菊誰能問平安竹任  
時光流轉都成虛辱無可奈何天地隘只饒走得溪  
山足但逢人相問來青何時熟

燭影搖紅

壽族叔父衡之八十八名銓

吾菊山翁鶴駝來自蓬雲界平鋪心地有天知楚楚  
生蘭茝膝下青衫舞拜更參差斑衣戲隊清閒無事  
門外從他驚塵飛隘壽八千年百分纔一朱顏耐  
何妨長主翠嵩春酒約詩盟在家慶堂前歡會領霞

本堂詞  
危醺紅淺帶是人說道真呂先生風流瀟灑自注云  
常哀呂

又壽內

瀟灑琴簾月鐙歸後新諧好青雲香裏共清風消得  
金花誥爭奈天顛地倒好光陰都驚散了更聽人說  
七七年時多多煩惱 捱到如今信知空挂閒懷抱  
天於貧處最饒人顰也翻成笑牢閉柴門自好對梅  
花杯盤草草滿前兒女耐後夫妻齏鹽偕老

又壽聲

雙杏堂深山明水秀滌洄著穩鋪心事做平生不買  
顰眉錯是則蒼髯白髮笑微微朱顏自渥一團春意

半隱風流他誰能學 六十年華又從今起新花甲  
葵榴初豔芰荷香爭赴開筵約家慶真堪恣樂碧瑤  
杯須拚滿酌瑟琴聲裏弟勸兄酬兒歌孫拍

聲聲慢

次韻黃子羽詠鳳花

珍叢鳳舞曾是宣和春風送歸禁幄翠淺紅深婉婉  
步空金落腥塵未飛動處是先知早辭華萼好在口  
四弁難多少怨懷無託 猛拍闌干誰會浮世事悠  
悠白雲黃鶴有酒當花休得是今非昨花猶百年甯  
耐算人生能幾歡樂又怱怱醉夢裏春去不覺

祝英臺近

次韻前人詠盤蓮

小盆池新壓藕翠蓋已擎雨巧弄紅妝明豔便能許

自憐華髮蕭蕭風流無分醉時眼何妨偷覷 黯然  
此回首今是何時逢花笑還語夢裏西湖雙落淚如  
縷斜陽十里煙蕪六橋風浪有誰掉採蓮舟去

江城子 中秋早  
雨晚晴

中秋佳月最端圓老癡頑見多番杯酒相延今夕不  
應慳殘雨如何妨樂事聲浙浙點斑斑 天應有意  
故遮闌拍人閒等閒看好處時光須用著些難直待  
黃昏風捲霽金盞盞玉團團

又 重陽  
酒邊

人生難滿百年心得分陰勝千金吹帽風流時節又  
相尋回首賜莫休說夢真率具自山林 逢迎一笑

且開襟酒頻斟量猶禁相勸相期長健似如今醉也  
從他兒女手爭把菊滿頭簪

又 七夕  
風雨

紛紛都說會雙星鵲橋成鳳驂迎風雨淒涼何故鎖  
蒼冥兒女空愁誰解意須道我試來聽 人間天上  
不同情最無憑是柔盟應怪癡人虛妄做浮生正值  
樓臺多簇燕教沒興不開晴

又 元宵  
書懷

籠街彈壓上元燈滿瑤城簇珠星老矣如今誰記舊來  
曾眼底相逢唯有月空對面若爲情 殘生消不  
盡齋莖瘦稜稜困騰騰扶起眉間杯酒酌寒檠也爲

本堂詩  
風光陪一笑心下事夢中驚

又重午  
書懷

年年端午又今朝鬢蕭蕭思搖搖應是南風湘浦正  
波濤千古獨醒魂在否無處問有誰招 何人簾幙  
倚蘭皋看飛橈奪高標饒把筵歌供笑醉陶陶孤坐  
小窗香一篆絃綠綺鼓離騷

青玉案次韻戴時芳

錢塘江上潮來去花落花開六橋路三竺三茅鐘曉  
暮當年夢境如今故國不忍回頭處 他誰做得愁  
如許平地波濤挾風雨往事悽悽都有據月堂笑裏  
夕亭話後自是無人悟

又

青山流水迢迢去總是東風往回路送得春來春又  
暮鶯如何訴燕如何語只有春知處 時光漸漸春  
如許何用憐春怕紅雨到處空飛無實據花開也好  
花飛也好此意須雙悟

漁家傲次前人

浪麥風微花霧掃痕沙水淺溪橋小屬玉雙雙飛香  
杏山寬繞新晴繡得春分曉 獨立無言心事渺曾  
將宇宙思量了世變何涯人已老休煩惱林泉況味  
終須好

又

山弄夕輝眉淡掃溪分新水支流小醉夢風光凝望  
杳雲樹繞杜鵑怨處誰能曉 浮世悠悠波渺渺  
爭何事何時了天爲無情方不老休苦惱隨緣詩酒  
清閒好

踏莎行

豆雨空晴桂花風靜碧虛飛上圓明鏡誰能喚起  
禿翁吟祇應笑得嫦娥醒 可奈良宵不堪殘境強拚  
一醉偷光景夜涼漸攪雪霜心昏眊猶認山河影

賣花聲

酒邊春  
殘夢騰騰好鳥一聲呼醒小窗明蕭蕭鬢影當年頭  
上慣曾簪幡勝到如今有誰懷省 東風著面卻自

依然相認哄癡兒收聲新弄景盤蔬杯酒強教人懽  
領也微酣帶些春興

鵲橋仙

次韻元  
兄年八十第今年幾亦是七旬有九人生取數已爲  
多更休問前程無有 家貧是苦算來又好見得平  
生操守杯茶盞水也風流莫負了桂時菊候

蝶蠻花

次韻黃子  
世變無情風挾雨長夜漫漫何日開晴午白髮蕭疏  
驚歲序兒嬉漫說重重午 粒咏偷生如搏黍過計  
何須負郭多南畝曾著宮衣沾雨露如今掩袂悲湘

浦

虞美人

次韻人詠菊

故園處處都荒雨寂寞蝸書戶人間春事杏桃花獨  
有詩人依舊菊爲家老來猶解高叉手遙上花前  
壽華顛無分插花枝乞取霜根風月送將歸

浪淘沙

與前人

有約泛溪蓬遊畫圖中沙鷗引入翠重重認取把琴  
人住處水淺山濃一笑兩衰翁莫惜從容甕醅灰  
芋雪泥菘直到梅花飛過也桃李春風

又

城留

記得去年時採菊東籬眉間一笑捧花枝說道願如  
花不老交勸雙卮又是菊花期客況誰知便無風

雨也淒淒白髮夫妻時節酒堪幾參差

又

立春日賣春困

窗影弄晴紅歡笑成叢一聲春困到衰翁回首太平  
兒戲事雨過雲空人世暗塵中如夢方濃也須留  
取自惺惺試問若教都困了誰管春風

又

示吳應奎

遲飯甑炊紅青翦蔬叢雞聲鄰里狎田翁兵後故人  
能有幾歲晚江空誰信淡交中依舊情濃白頭青  
眼轉惺惺相見莫教輕別去負月孤風

浪淘沙

次韻示弟觀

春事紫和紅蜂蝶爭叢消磨多少看花翁不用借他



炊黍枕何夢非空 茅屋菜畦中邨甕醅濃醉時唬  
鳥喚惺惚不道白頭添一歲舞月歌風

又

年事夕陽紅霜滿鬢叢摩挲蒼蘚石婆翁自注云在京口夾岡  
能見幾人曾百歲一笑書空 回首棣華中消得春  
濃平生心事兩惺惚杖屨相從須放密山月溪風

糖多令九月留城書懷

雁陣曉來霜鴉邨夕照黃滿人間風景淒涼幸有菊  
窗堪一醉爭又滯水雲鄉 沽酒也三行邀風與較  
量便明朝吹送歸航趁得老盆新熟信日日是我重  
陽

又次前韻范純甫留飲

蟹熟韻橙霜蛆浮染菊黃淡交情都沒炎涼說道白  
頭難會面留一日醉中鄉 世事與輪行時光逐寸  
量任人間濤海風航拜了老龐歸去也高著枕卧南  
陽

又城歸泊湖山

倦枕寄漁鄉蓬底被怯霜月窺人多少思量自是欲  
眠眠不穩禁聽得雁聲雙 和夢早催行歸來梅竹  
窗小柴門分破閒忙翻笑白雲飛不定語得靜想詩  
牀

行香子次韻元春兄

吾輩么麼休歎蹉跎得閒時且逐時過人間名利都  
是浮華但退如進失如得少如多 誰信生來從髮  
尖磨到如今方見霜涯算天亦自無奈吾何是飢能  
忍寒能耐老能歌

總繡衾壽內子

梅窗歸坐幾歲寒老生涯寂寞自便最喜得雙雙健  
與麕麕茶淡飯結緣 眉前把酒深深勸這時光惟有  
靠天看許大癡兒女且隨宜笑到百年

西江月懷書

老去坐來睡重病多吟得詩慳有時忽自拍闌干一  
點心隨天遠 柳絮飛從從何處鶯聲唬破空山春風

依舊滿人間不奈雙鬢閒管

又壽王之朝

華胄銀青氣脈仙風斑白鬚眉兒孫玉雪滿庭幃家  
慶人間難比 浮世事等雲過平生心有天知舉杯  
相約小春時歲歲梅花裏醉

卜算子

壽族弟藻夫婦八十

月下百年緣天上雙星樣九秩齊開自是稀清健那  
堪兩 紅葉景翻新黃菊香宜晚笑擁眉開祝壽聲  
滿勸鴛鴦盞

又用前韻弟藻次日又設酒

喜氣滿清門慶集還新樣卜醉筵開意轉濃昨日今

朝雨 愧我一年多見汝雙  
愧晚自覺人生此會稀  
有酒甯論盞

南鄉子

中秋無月

流景去難磨  
浮世危如拍浪埼  
纔遇中秋聊對月  
佳期最怕晴明未可涯  
人月本相依  
果是今朝恰背  
違孤負樓臺多少  
醉堪悲何忍滂沱與畢離

寶鼎現

代邑士送韓君美經歷

望京門外怕見催發東風行  
馬清到底冰壺滿了欲  
借留來無計也祖勸酒看依依  
情戀都在眉尖眼下  
任萬戶詩旗曲帳有筆應難描寫  
是則龜組隨瓜  
卸好規模分付來者纔泛綠  
依紅小暇移講芹宮時

促駕又指點秀甯城來脈疏瀾  
春流似畫更巧爲溪  
山著句留作千年佳話  
最念一邑酸寒風雨暗真  
幾成假向鬢髮交處還得儒珍  
舊價便父母又如何  
做但結心香社願闊步直上雲霄  
猶□□回頭奉化

沁園春

代人送

蓮葉山前戎帳宏開轟然最稱羨  
鋪心如水肩教塵  
沅爲民乞雨喚得天磨紫邏  
口鋒綠林掃影夜戶都  
開無吠聲三鄉裏笑嬉嬉  
度日歌舞清平溪頭載  
月舟□□□帳花旗忍送行  
算浮雲自在初無著相  
薰風正好卻問歸程折柳  
依依憩棠□□□□春  
無盡情趨朝去看青冥  
玉鉞金轡紅纓

喜遷鶯

代邑士送梁宰赴崑山同知

南廬佳號是自許孔明經綸才調對柳鳴琴憑花製  
錦小試一同談笑怎知畫簾難駐忽又是輿催召但  
識得耀碑潭水月交光相照 驛道春正好簇帳擎  
杯聽取殷勤禱略繪松鱸便膺芝鳳陵湖紫清津要  
當家得時行志回首舊封文廟疏化雨障狂瀾不盡  
生生芹藻

西江月

送公棠戎


錢影何曾過眼筆頭那有虧心繫門瘦馬影沈沈夜  
柝不驚春枕 一去輕如蕉夢三鄉都是棠陰等閒  
換取印黃金催上雲程新任

水龍吟

代壽徐宰

舊枝云以後闕

壬子二月景心杭州丁氏嘉惠堂鈔本韻齋記



國家圖書館, NATIONAL CENTRAL LIBRARY, TAIWAN, R.O.C



本館